

鑪霍屯志略

卷之四

中國民族史地資料叢刊之十四（內部參攷）

鑛霍屯志略

中央民族學院圖書館編

一九七九年  
月

鎮霍屯志略

目次

源流

天時

疆域

山川

衙署祠宇官寨官地

城鄉村寨漢土居民丁口

官吏丁役

兵制

地土糧種

賦稅

風俗

耕種

婚嫁

喪葬

居處

服飾

飲食

土宜物產

道里界址

開辦屯務公牘

附地名索引

鑪霍屯志略

李之珂 纂

源流

溯查霍耳章谷安撫司土司。唐古特譯音為扎克廓。始自藏卜策凌。於雍正六年。授職。亦有乾隆十七年頒給印信承襲起傳。至道光末紀。頂覺之兄衆民呼為老土司者。土人今亦忘其名。適值瞻逆工布郎結父子叛亂。頂覺之兄親身赴省請兵剿洗。行至魚科而卒。其女招贅明正土司之族人甲木參讓竹為婿。承襲其職。甲木參讓竹故後乏嗣。僅生一女。復畏瞻番強橫。以麻書土司四郎多結為各土司之雄長。復招其子汪欽瞻登為婿。承襲查四郎多結有子二人。一名安旺多結。故後無子。一名汪欽瞻登有子一人。即札喜旺甲也。迨四

郎多結故後。札喜旺甲例應承襲麻書土司。汪欽瞻登故後。札喜旺甲復應兼襲章谷土司。蓋以章谷本支早絕。汪欽瞻登又無次子。故後除札喜旺甲而外。別無應襲之人。嗣因廢升守善曾因札喜旺甲嫡庶控案。斷令嗣後每人生子。各襲一處。均各遵斷。具結完案。詎札喜旺甲兼襲其職後。未能周旋嫡庶兩地。致肇釁端。光緒十九年。其嫡妻係朱倭之女名者噶者。即智馬情楚竟將章谷印信號紙。携歸娘門。札喜旺甲以為斷定歸伊承襲。與師問罪。索取印信。朱倭土司袒護其女。勾串瞻番孜仲齊。以兵威。竟將章谷燒殺焚搶。札喜旺甲具稟上控。省委羅守以禮來章查辦。光緒二十二年。復委唐升守承烈將章谷朱倭一並改屯。以息爭競。次年。因瞻對還藏。章谷同朱倭仍還土司。其章谷土司之職。仍令札喜旺甲兼襲。詎光緒二十五年。札喜旺甲被夷人札喜桑朱挾仇殺。

斃後嗣無子。麻書章谷兩土司遂均無承襲之人。當經鑪廳報案。光緒二十六年。川省委員前來麻書章辦擇襲並兼駐章谷試辦改流。迄今光緒三十年。仿照懋功五屯辦法。仍於章谷改屯。設屯員。更名曰鑪霍屯。務歸打箭直隸廳管轄云。

天時

夫天有四時。春溫夏炎。秋涼冬寒。古今一成不變之道。鑪霍一隅。則有大謬不然者。春夏秋冬四時皆寒。陰崖積雪。又復經年不化。惟夏令三閱月。稍有陽和之氣。然此時又多冰雹。倘值麥苗成熟之候。一經雹擊。顆粒無存。居其地。攷其天時。一日之間。氣候不同。一方之內。寒暖互異。而且同處一山。高低氣候大相逕庭。時而寒也。山巔則大雪瀰漫。山脚則或微雨大雨不等。惟冬深則無論高

低雪飛如注。然此時山巔嚴寒。人不可支矣。夷攷天文。惟南黑道氣候冰冽。動植絕少。今以地球揆之。上參天氣。霍隅約在亞細亞之西南隅。稍與南黑道近。不然何以終歲常寒若此。或謂益州地勢極高。霍隅處益州之西南。地勢尤為高聳。凡地之極高者。雖盛夏無暑氣焉。請以江右之廬山論。古語云。廬山秀出南斗傍。言其高也。古牛嶺為廬山中之一峯。方今外人強盛。古牛嶺為其所踞。修建房屋街道。以為盛夏避暑之地。迄今登其峯者。挾纊入室。不知炎夏可見。罡風勁氣。環繞孤高。冰雪霜雹。四時常有。初不能若內地之清明斷雪。穀雨斷霜也。鑛窟天時四時皆寒。始亦職此之故與。

疆域

一鑛窟屯為霍耳章谷安撫司土司之地。查霍耳安設五土司。曰朱倭。曰孔撒。

曰麻書曰白利章谷居其一。在省之西南一千五百三十里。距鑪城六百二十里。入藏小路。乃察木多德爾格忒西寧界。古玉樹蒙古三十六屬之通衢。瞻對之唇齒。上至德爾格忒計程十一二站。下至打箭鑪計程十站。南北相距約一百七十八里。東西相距約三百餘十里。南至道鳩山梁巴孔為界。北至玉日河邊為界。上東方至瓦述色他土司暨朱倭所管之納則呷擋為界。下東方至郁科土司地方毘連之呷納納則為界。上西方至瞻對所管之墨科墨去果松為界。下西方至明瞻交界之阿雅卡雜為界。

一鑪霍屯為行茶入藏之路。查入藏兩路。均自折多山分。一西南行經過裡塘巴塘為差貢大路。一西北行經過鑪霍屯為行茶之路。俱至察木多合路入藏。一鑪霍屯之東至角洛汎一百八十里。鑪霍之西北至麻書汎二百一十里。均

未安設塘站。

山川

一鑪霍屯大河東注。雪嶂西環。為邊關之門戶。實川省之藩籬。平山綿亘。可開北陌南阡。土寨嵯巍。儼是深溝厚壘。地居阨要。勢處建瓴。鎮千里之洪流。為入藏之小路。誠關外要區也。惜乎荒蠻邊塞。勝跡全無。惟屯俗佞佛。約有數山。相傳靈異。藉藉於土民口中者。約畧有可舉焉。

一一日溝三岔河邊有山名八勒洞。相傳洞內生成有石觀音一座。羅漢十八尊。昔日有張搭假嗎喇嘛。素習紅教。誦經一過。能開洞門。觀音羅漢人人能見。自該喇嘛飯依後。無有能誦經開門者。惟遇平安年月。輒顯靈異焉。

一一日溝以上十里許。有一山。其半山中有洞名蹊支洞。向洞前往。有首人登。

山巖崖手形足跡入洞內有石門由石門而進石上手足形跡活現中有石鼓一面擊之能鳴石側建有坐靜禪房數間周圍樹木蓬隆頗覺雅觀夷人到此焚香祈福者絡繹不絕

一鑪霍屯新都河對門有山名茅梳山中建有清靜小院一所內有泥塑神像一座相傳此神由西藏羊背駝來若有疾痛災難祈禱此神方保平安

一鑪霍屯署之前名新都河係兩河合流之水一名西趨河發源東谷連界之中俄洛野番地方一名日趨河發源於瓦西色他野番地方兩河合流於新都河由道塢下注上中下三渣壩地方順流而下經過中渡河俗名老河口匯流於金河由金河而下匯流川屬叙府大河一路山高嶺峻地畝之間難資灌溉山凶灘險亦難施以舟楫

一鑪霍屯之東以假腊中及將軍梁子並阿拉溝山頂等處為要隘。西以納林  
沖及擦龍溝山頂為要隘。南以仁達溝及一日溝內之若娘山頂並喇嘛貢山  
頂等處為要隘。北以宗達及曾都兩處為要隘。若遇爭戰事故。守此要隘。可保  
無虞。

衙署祠宇官寨官地

一鑪霍屯署一所。現係即以章谷舊官寨改立公堂房間。暫為辦公樓止之所。

一麻書汎千總兼防鑪霍屯汎地。汎署駐麻書地方。距屯署二百一十里。

一屯署之西建有關帝廟一座。

一章谷新官寨一座。

一杯沖官寨一座。

一雜科官寨一座。

一普玉隆官寨一座。

一納林冲官寨一座。

一章谷壩子官地共二十二塊。

一四大村官地共二百七十八塊。

一雜科官地共六塊。

一普玉隆官地共八塊。

一林冲官地共十三塊。

一納林冲官地共三十二塊。

城鄉村寨漢土居民丁口

一鐘霍屯漢民一百四十三戶。男女共四百六十六丁口。

一本城土民三十一戶。男女共一百零八丁口。合成一村。

牙代村

一乍巴寨土民二十一戶。男女共一百一十九丁口。

一王達宿壩土民二十八戶。男女共一百五十七丁口。

一新都河壩土民三十四戶。男女共一百六十一丁口。

一加鷄宿壩土民四十八戶。男女共二百三十二丁口。

一甲姑宿壩土民五十七戶。男女共二百七十三丁口。

一登達宿壩土民十八戶。男女共八十九丁口。牙代村計六宿壩。統共二百零

六戶。男女共一千零三十一丁口。

泥巴村

一鷓鴣宿壩土民十九戶。男女共九十一丁口。

一本你宿壩土民三十一戶。男女共一百六十一丁口。

一銀巴宿壩土民二十六戶。男女共一百二十六丁口。

一徑鵲宿壩土民三十七戶。男女共一百二十五丁口。

一及鴉宿壩土民二十七戶。男女共一百二十四丁口。

一麥巴宿壩土民十九戶。男女共七十九丁口。

一昔支宿壩土民二十二戶。男女共一百一十一丁口。

一明達宿壩土民十八戶。男女共七十三丁口。泥巴村計八宿壩。統共一百九

十九戶。男女共八百九十丁口。